



## **Universitätsbibliothek Paderborn**

**Dei Immortalis In Corpore Mortali Patientis Historia**

**Stanyhurst, Guillaume**

**Coloniæ Agrippinæ, 1694**

§. III. Christus coram Herode accusatus silet.

[urn:nbn:de:hbz:466:1-49178](#)

jora solatia? Hæc omnia firmiter credere, clare cognoscere, certò judicare, iest ad illa à Christo, vocari. Illa quæ tuę menti affulget, qua illa videas lux, est Christi suadentis, ut illa facias, vox. O lux! ô vox lux primæva, vox æterna. Lux affulge mentibus; vox insona auribus. Loquere Domine, nullus hic Herodes, non hic, ut illic sileas. Tu dixisti, & facta sunt; tu mandasti, & creata sunt. Tantum ergo dic verbo: Veni; & veniam. Loquere ergo Domine, sed loquere mihi ad cor. Sufficit ex ore tuo verbum tuum, ut post te trahas mundum totum. Pauca fueras locutus ad Judæos verba, &

*Ioan. 12.* inox Pharisæi indignati, clamabant: Ecce mundum totus post ipsum abit. Nos omnes ex mundo abibimus, & sequemur te, modè audiamus uno tantum

*Ioh. 19.*

*Læt. 10.* verbo loquentem te. Ergo exemplo illius, quæ

*40.* teste te, optimam partem elegit, sedens secus pedes

tuos, ô Domine, audiam verbum tuum.

### §. III.

*Christus coram Herode accusatus sicut.*

**C**hristus non tantum de multis ab Herode interrogatus, sed de plurimis à Judæis accusatus, patientiâ suâ se involvens, nullum, quo illorum criminationes refellat, adducit argumentum; nullum, quo se defendat, profert verbum. Silent Evangelistæ criminâ, de quibus aceusatatur; produnt tamen illos, qui illum accusabant, sic enim loquuntur: Stabant autem principes Sacerdotum, & Scribæ constanter accusantes eum. Etiam hic solum Christi pro sua causa patrocinium, fuit constans silentium. Hoc admirandum, & omnibus seculis inauditum æternæ Sapientiæ silentium, suis momentis ponderatum sufficit ad omnium male loquentium ora obturanda. In primis illi,

qui

qui eum accusabant, erant viri auctoritate maxi-  
mi, Scribæ & principes Sacerdotum, quorum ver-  
ba, erant effata ; acta, agendorum norma ; vita,  
malorum censura. Unde facile ut crederet omnia  
vera esse, auctoritate eorum inducebatur Herod-  
es. Sacerdotes ergo, sub quorum lingua erat ve-  
nenum aspidum, expuunt in illum omnem bilem,  
Christus suscipit; loquuntur illi, hic tacet; illi ac-  
cusant, hic accusantibus nihil opponit ; scelera  
exprobrant, audit; contumelias in eum exone-  
rant, nihil respondet. Sed Christe, vide quid a-  
gas: crimina quæ tibi objiciunt, probas, dum quæ  
objiciuntur, fecisse te, non negas. Memineris  
quid per Davidem facturum te prædixeris : Re-  
spondebo exprobrantibus mibi verbum. Cùm respon-  
surum exprobrantibus te promiseris, cur in tan-  
ta Judæorum exprobratione nihil respondes? An  
oblitus es tui promissi? Accusatur Dominus ( ait  
Ambrosius ) & taceat; & bene taceat; quia defensione nō  
indigeret. Ambiat defendi, qui timet vincere; non ergo accu-  
santem tacendo confirmat; sed despicit, non refellendo.  
Christus dum condemnatur, & superat; dum judicatur,  
& vincit. Quid ergo erat ei opus loqui ante judicium, cùm  
ipsum judicium erat innocentiae testimonium; calu-  
mnia, victoria, &c. Taceat lingua necesse est, ubi ipsa &  
quit sibi adegit; plenior justitia est, quæ non verbis ad-  
struitur, sed virtutibus fulcitur. Nolo sic defendi justitiæ,  
ut iniquitas solet excusari. Quod vincit Christus, non ora-  
tionis, sed virtutis ist. Scit enim Salvator, qui est sapien-  
tia, quomodo tamen vinceret; quomodo non responden-  
do superaret: atque ideo mavult causam suam compro-  
bare, quam dicere. Quid enim eum compelleret ad lo-  
quendum, cùm silentium sufficeret ad videntem? O si-  
lentium omni eloquentiâ facundius; omni cla-  
more vocalius; omni tubæ clangore clarior!

O's

lentium

Lib. 10.  
in Luc.  
Silentiū  
innocē-  
tiæ est  
patro-  
cinium.

lentium dignum omnium Oratorum linguis  
prædicari! O quām disertē hoc Christi silentium  
accusat linguam meam! quām illa velox est ad lo-  
quendum; quām tarda ad silendum! Adeſt inimi-  
cus? præſentis calumnior famæ. Abest? absentis  
lædo honorem, imminuo æſtimationem. Loqui-  
tur mihi? obloquor ipſi. Dum interrogo, ſcelera  
ipſius exprobro. Dum reſpondeo, diſteriis eum  
irrideo. Jam provoco ad iracundiam, dum cavil-  
lando irrogo injuriam. Denique *lingua meagla-*  
*dius acutus.* Quot profero verba, tot infligo vul-  
nera: vel aliis, dum alienam obſcuro gloriam: vel  
mihi, dum propriam occido animam. Sed te hīc  
alloquor, quiſquis innocens: propone hīc tibi  
Christi silentis exemplum. Calumnientur tibi  
maledicorum linguae, accuſent malignantium  
concilia, conteminent iniquorū tribunalia. Non  
opus est consulas in foro, ut tibi consulas cauſi-  
dicos, vel advocationes, vel patronos. Sit cauſa tuæ  
patrocinium, Christi exemplo, silentium. Securè  
conticet lingua, ubi loquitur vita. Non opus est  
Aristotele, qui ex Philosophia collectis te accu-  
ſantes convincat argumentis; non opus Demo-  
ſthene, qui ex Rhetorica requiritis tuam cauſam  
defendat præceptis. Nullius tam facile tibi pa-  
trocinabitur eloquentia, quām vita tuæ inno-  
centia. Integritas, & morum modestia, optima est  
pro tuâ defensione apologia. Sed durum est in-  
nocentem debere pati, nec posſe loqui. Ecce e-  
c

Pſ. 56.5. nim impii cogitaverunt iniquitates in corde: tota die  
constituebant prælia. Fingunt falla crimina, ad-  
ſtruunt falsa testimonia: Acuerunt linguae suæ ſicut  
ſerpentes: accusant, calumniantur, minātur. Quid  
agimus? Silemus; silentium interpretatur ſicut  
criminis testimonium. Loquimur? iniqui judices

zquis

Num. 4.

**z**quis auribus loquentes non audient. An ergo contra fas & nefas condemnabitur innocentia, cùm nullum habeat, qui ejus causam in terris defendat, **Advocatum?** Nolite diffidere causæ vestræ, Innocentes. Non habemus, qui pro nobis loquatur apud iniquum judicem, **advocatum: sed**

*I. Ioan.**Advocatum habemus apud Patrem Jesum Christum. 2. I.*

Hoc cogit nos innocentes inter calumnias cum Christo silere: inter varias criminationes non loqui: falso accusantibus non respondere: quia **Advocatum habemus apud Patrem, Jesum Christum.** Jesus pro nobis loquitur in cœlis, dum propter ipsum silemus in terris. Ideo siluisti, ô Jesu, coram impio Rege, ut loquereris pro nobis coram Patre. Sed & nunc non tantum pro nobis, sed & nobis loqueris. Tu ergo Verbum pro me caro factum, tantum dic verbo, mihi cæco: Respice, & video faciem tuam, in quam desiderant Angeli prospicere. Tantum dic verbo, mihi surdo: Adaperire, & audiam verba tua dulciora supel mel & favum. Tantum dic verbo, mihi muto: Loquere, & loquar magnalia tua. Tantum dic verbo, mihi paralytico: Ambula, & curram per viam mandatorum tuorum. Tantum dic verbo, mihi leproso: Mundare, & confessim mundabitur lepra. Tantum dic verbo, mihi mortuo: Surge, & continuo surgam, & residebo, qui fueram mortuus. Sed audio, ô Sapientia æterna, te dicentem per os Sapientis: *Verba Sapientum audiuntur in silentio.* Quantò magis opus est silentio, dum loquitur ipsa Sapientia? Non loquitur Verbum, nisi silentibus. Non est in corde tuo silentium. Pulsat in animo tympanum iracundia: inflat buccinam vanagloria: rixantur spes, & timor: digladiantur amor, & odium: debacchantur tristitia, & gaudium: tumul-

*Eccl. 9.1*

tumultuantur audacia & cupiditas: fremunt effrænes affectus: & bello plus quam civili agitatur pectus. Cor nostrum est campus Martius: plena omnia strepitu,fremitu,tumultu. *Ducam eam in solitudinem, & ibi loquar ad cor.* Sit cor tuum solitudo,sit in corde silentium,& tunc loquetur ad cor. Cum enim quietum silentium contineret omnia, & nox in suo cursu medium iter haberet, omnipotens sermo iuuus de caelo a regalibus sedibus profilivit. O Christe, jam quietum silentium continet omnia: patent aures, ut excipiant verbum tuum. Veniat jam de regali sede, de hac ara, omnipotens sermo tuus; & siemus nos potentes sermone & opere: si loquaris nobis viatoribus hic in via, ut olim duobus tuis discipulis; illico cor nostrum ardens erit. Itaque loquar tibi cum tuo Augustino: *Age Domine, & fac: excita, & revoca nos; accende, & rapie flagra, & dulcesce: iam amemus, & curramus.*

## §. IV.

## Spernitur Christus ab Herode.

**C**hristus, qui non minus verè quam magnificè gloriatur: *Per me Reges regnant, per me Principes imperant:* qui à Joanne vocatur Princeps Regum terra: ille ab impi, sacrilego & abjecto Rege contemnitur ut stultus; deridetur ut fatuus; exploditur ut insanus; *Spernit illum Herodes cum exercitu suo.* O Herodes! noluit tibi loqui Verbum Patris, cùm tamen verba vita eterna habeat: quia tu ex illis es, de quibus per Prophetam conqueritur: *Tot a die verbamea execrabantur.* Sed agam ego hic interpretem Christi silentio suo tibi loquentis. Si bene attendis, audies illum tibi tacitè dicentem, quod mulieri Samaritauæ: *Si scires dominum Dei, & quis es, qui adstat tibi.* O Herodes, si scires

Osee 2.

14.

Sap. 18.

14.

Prov. 8.

15.

Apoc. 1,5.

Ps. 71,11

Job. 6,69.

Ps. 55,6.

Iohann. 4,

10.